

Linija rada: 02
Op.radnik: 405
Broj: *M-1724*
Dana, 10.10.1995.godine

00371757

SLUŽBENA ZABILJEŠKA O INFORMATIVNOM RAZGOVORU

I

Izvor: MUMINOVIĆ SEJDALIJA, sin Zaima, r. 13.o3.1978.godine u Barakovićima, opština Srebrenica, završio osnovnu školu, trenutno smješten u Špionici u kući izvjesnog Marka.

Podaci se odnose na izvorovo zarobljavanje od strane agresorskih vojnika i njegov boravak u logoru "Batković".

Razgovor je obavljen u prostorijama Sektora dana 04.10.1995.godine od 10 do 12,00 sati na inicijativu op. radnika.

Troškova sastanka nije bilo.
Datum podnošenja zabilješke 05.10.1995.godine.

II

Razgovor je obavljen u cilju prikupljanja bezbjednosno-interesantnih saznanja u vezi zarobljavanja lica koja su, nakon pada Srebrenice, krenula u proboj prema Tuzli.

III

Dana 11.o7.1995.godine oko 15,00 sati izvor je, u koloni od oko 15.000 vojnika i civila krenuo iz Jaglića prema Tuzli. Nakon sat i pol putovanja, odnosno poslije predjenih desetak kilometara kolona je naišla na četničku zasjedu. Četnici su po koloni otvorili vatru kako iz pješadijskog naoružanja, tako i iz tenkova i dr. artiljerijskih orudja. U izvorovoj blizini poginulo je 5 lica, dok je oko 25 lica bilo ranjeno. Borbe su se vodile oko 10 minuta, a zatim je kolona nastavila put. Izvor je nosio jednog NN ranjenika, starog oko 16 godina, do slijedećeg brda, gdje im je rečeno da će ranjenike preuzeti pripadnici brigade čiji je komandant Zulfo Tursunović. Na tom brdu su čekali da padne noć da bi nastavili put prema Tuzli. Naveče oko 20,00 sati kolona je krenula dalje i nakon sat pješaćenja ponovo su naišli na četničku zasjedu. Iz izvora nepoznatih razloga došlo je do pada bukve, od koje je poginulo nekoliko lica, a u istom trenutku četnici su otvorili vatru po koloni iz raspoloživih orudja i oružja. Od posljedica granatiranja kolone veći broj lica je poginuo, dok je bilo dosta ranjenih lica koja su ostala, dok se ostali narod razbježao. Izvor je sa još dva lica pobjegao od kolone na susjedno brdo, gdje je proveo noć. Sa tog brda čuo je pucnjavu i jauke cijelu noć. Ujutro, narednog dana, izvor je u društvu dva lica krenuo u pravcu Konjević Polja i u blizini asfaltnog puta u šumi je sustigao oko 40 vojnika i 60 civila koji nisu uspjeli preći asfalt. U toj šumi su se zadržali dva dana i dvije noći, da bi tek treći dan uspjeli preći put. U trenutku prelaska asfalta na putu nije bilo agresorskih vojnika. Istog dana izvor je stigao na Udrč gdje je našao oko 300 lica iz Srebrenice. Na Udrču je prenoćio jednu noć, a zatim je u grupi od 18 lica krenuo prema Baljkovici preko Kamenice i Snagova. Pored puta na Snagovu izvor je vidio 3 leša njemu nepoznata. Naredne noći izvor je stigao u blizini puta Zyornik-Šekovići na Crnom vrhu i tu je sustigao grupu od oko 1000 lica koja su pokušavala preći put. Ujutro su prešli asfaltni put i krenuli prema Baljkovici. Kada su stigli do lovačke kućice naši naoružani vojnici su zahtijevali od civila da oni ostanu kod lovačke kućice dok bi oni (njih oko 40) otišli da izvide teren i da se

vrate po njih. Medjutim, vojnici su otišli i više se nisu vraćali. Pošto se vojnici više nisu vraćali narod se, u manjim grupicama, razišao na sve strane, a izvor je zajedno sa Šamirom Vejzovićem iz Gručića ostao pored lovačke kuće. Nakon izvjesnog vremena njih dvojica su pokušali proći između linija u Baljkovicu, ali nisu uspjeli pa su se ponovo vratili lovačkoj kući. Prilikom povratka pored lovačke kuće su našli još sedam lica. Pošto su bili gladni i iznemogli sjedili su u blizini lovačke kuće bez ikakve nade da će preći na slobodnu teritoriju. Dok su sjedili pored lovačke kuće prišla su im dva NN lica iz Srebrenice i pozvali ih da se predaju agresorskim vojnicima, jer su se i oni predali, pa su ih agresorski vojnici poslali da pozovu preostali narod koji se krije po šumi i da im oni garantuju sigurnost ili će ih agresorski vojnici pobiti prilikom pretresanja terena. Poslije tog poziva izvor, a i ostali iz grupe su odlučili da se predaju agresorskim vojnicima. 24.07.1995.godine oko 15,30 sati predali su se grupi od 15 agresorskih vojnika od kojih su dvojica bili stari oko 55 godina, dok su drugi bili stari oko 30 godina. Nakon dva sata po lica koja su se predala došli su vojni policajci i prevezli ih autobusom do Karakaja, odnosno do kruga fabrike koja se nalazi sa lijeve strane puta Karakaj-Zvornik. Ta fabrika je trenutno pretvorena u kasarnu. U krugu te fabrike zatekli su 11 zarobljenih lica iz Srebrenice. U krugu fabrike niko ih nije tukao.

Naveče oko 21,00 sati 24.07.1995.godine u pratnji vojne policije zarobljenici su kamionom prebačeni u logor "Batković" kod Bijeljine.

Ni jedan agresorski vojnik izvoru nije poznat niti ga može detaljnije opisati.

Za vrijeme boravka u Batkovićima upravnik logora je bio izvjesni potpukovnik zv. "Sarajlija", sijed, nizak, crn, bucmast i nosi brkove. Pored potpukovnika u logoru izvor je upoznao i vodnika Milić Slobodana, zv. "Slobo", star oko 25 godina, srednje visine i srednje razvijen, smeđj, nosi bradu, za koga izvor kaže da je bio fer i dobar prema zarobljenicima i vodnika Lujića, star oko 23 godine, srednje visine, mršav i crn. Logor "Batković" obezbjeđuje oko 15 stražara raspoređenih na tri stražarska mjesta.

Za vrijeme izvorovog boravka u logoru nije bilo ubistava ni fizičkog maltretiranja nad zarobljenim licima. Izvor je išao na prinudni rad u Novo Selo gdje je kupio krompir.

u boravku u logoru
u pratnji
Izvor nas je upoznao da je čuo od Nezira Delića - logoraša, koji je raspoređen na radnu obavezu, da hrani kerove pri komandi Istočno-bosanskog korpusa tzv. VRS u Bijeljini, da se u Milićima u blizini stadiona nalazi zatočeno oko 1.500 lica iz Srebrenice i da se lica koja su odvojena u Potočarima u bazi UN-a nalaze u fabrici pločica "Kaolin" u Bratuncu i da se raspoređuju na radnu obavezu čišćenja Srebrenice. Delić Nezir ne želi da bude razmijenjen već je tražio deportaciju za inostranstvo. Izvor je razmijenjen 29.09.1995.godine u Šatorovićima.

IV

Izvor u daljoj fazi provjere. U narednom periodu preko drugih lica pokušat ćemo potvrditi iznešene podatke.

V

Primjedbe, ocjene i sugestije nadležnih starješina.

DOSTAVLJENO:

1 x Odjeljenje 02

1 x OA Sektora SDB Tuzla

00371758